

Na osnovu člana 13. stav 1. Zakona o političkim organizacijama (Sl. list Republike BiH br. 27/91) na Skupštini održanoj dana 30.03.2017. godine donosi se:

S T A T U T

Političke organizacije Tuzlanska Alternativa

1. OSNOVNE ODREDBE

Član 1.

Tuzlanska Alternativa je politička stranka građana Tuzle, čija su načela i ciljevi izneseni u programskim ciljevima stranke.

Član 2.

Naziv stranke je: Tuzlanska Alternativa (u daljem tekstu: stranka).
Skrraćeni naziv stranke je TA.
Sjedište stranke je u Tuzli, Ul. ZAVNOBiH-a 15.

Član 3.

Stranka djeluje na teritoriji Grada Tuzla.

Član 4.

Stranka ima svojstvo pravnog lica.

Član 5.

Stranku predstavlja i zastupa Predsjednik stranke.
Po posebnom ovlaštenju Predsjednika, stranku mogu zastupati i predstavljati i druga lica koja su članovi stranke.

Član 6.

Stranka ima svoj pečat okruglog oblika sa ispisanim punim nazivom.
Način upotrebe i čuvanje pečata urediće se posebnom odlukom Predsjednika.

Član 7.

Stranka može imati amblem, zastavu i himnu, koji se bliže uređuju posebnom odlukom Gradskog odbora.

CILJEVI STRANKE I NAČIN NJIHOVOG OSTVARIVANJA

Član 8.

Ciljevi stranke su utvrđeni Programom stranke, a obuhvataju:

- očuvanje teritorijalnog integriteta i jačanje državnog suvereniteta i nezavisnosti Bosne i Hercegovine;
- afirmisanje Bosne i Hercegovine kao demokratske i pravne države ravnopravnih građana uz uvažavanje i primjenu temeljnih prava i sloboda čovjeka i građanina, u skladu sa Ustavom i međunarodnim aktima;
- razvijanje prosperitetne tržišne ekonomije, uz punu zaštitu vlasničkih prava i jedinstvenog ekonomskog prostora i zaštite državnih i prirodnih resursa;
- uključivanje Bosne i Hercegovine u Evropsku uniju i euro-atlantske asocijacije,
- izgrađivanje odnosa i saradnje Bosne i Hercegovine sa svim drugim demokratskim državama i međunarodnim organizacijama, prema principima međunarodnog prava i Povelji UN-a;
- borbu za prava branitelja Bosne i Hercegovine;

- zalaganje za brži lokalni i regionalni ekonomski razvoj kroz planiranje industrijskih zona, podršku malim i srednjim preduzećima, jačanje komunalne i saobraćajne infrastrukture i ohrabivanje lokalne poljoprivredne proizvodnje;
- unapređivanje socijalne sigurnosti svih građana, uspostavljanjem odgovarajućih prava na zdravstvenu zaštitu, školovanje, radno-pravnu, penzijsku i invalidsku zaštitu i druge oblike zaštite i materijalnog obezbjeđenja posebno djece, majki/porodilja, i starih ili iznemoglih osoba;
- uspostavljanje obrazovanja mladih u skladu s evropskim standardima i savremenim potrebama društva, te zalaganje za poboljšanje kvaliteta usluga obrazovnih ustanova;
- promociju sporta i kulture, kao i zaštitu historijskih spomenika i spomenika kulture;
- stvaranje uslova da mlada generacija preuzme odgovornost za sudbinu Bosne i Hercegovine;

Član 9.

Stranka se u okviru svog djelovanja bori za ostvarivanje svog programa i programskih ciljeva pridobijanjem birača, učešćem na izborima i učešćem u radu predstavničkih tijela i organa vlasti.

Član 10.

U ostvarivanju zajedničkih ciljeva stranka će sarađivati sa srodnim partijama u zemlji i inostranstvu u skladu sa Zakonom i ovim Statutom.

Član 11.

Stranka može biti član međunarodnih organizacija čije djelovanje je u skladu sa programskim načelima odnosno programom stranke. Odluku o udruživanju u međunarodne organizacije donosi Gradski odbor stranke.

Član 12.

Rad stranke i njenih organa je javan. Javnost rada se ostvaruje javnim djelovanjem stranke i redovnim obavještanjem članstva i javnosti o radu stranke i njenih organa. Organi stranke mogu isključiti javnost iz svoga rada kada se raspravlja o kadrovskim pitanjima, pitanjima iz bezbjednosti, te i u drugim slučajevima kada bi javnost rada mogla ugroziti ostvarenje zakonskih ciljeva stranke.

ČLANSTVO

Član 13.

Svaki punoljetan građanin Bosne i Hercegovine koji je poslovno sposoban i koji prihvata Program i Statut stranke može postati član stranke, osim lica optuženih za ratne zločine. Članom stranke postaje potpisivanjem pristupnice. Pristupnica se zatim upisuje u jedinstven registar članstva. Način vođenja jedinstvenog registra članstva propisuje svojom odlukom Gradski odbor stranke. Članovima stranke izdaje se članska karta.

Član 14.

Prava članova stranke su:

- da sudjeluje u odlučivanju o svim bitnim pitanjima rada stranke i to neposredno ili preko izabranih predstavnika u organima stranke,
- da bira i da bude biran u organe stranke,
- da bude obavješten o aktivnostima i radu stranke,
- da daje prijedloge i mišljenja u vezi sa radom stranke,
- druga prava koja proizilaze iz prirode članstva u stranci.

Član 15.

Dužnosti člana stranke su:

- da djeluje u skladu sa Programom, Statutom i drugim aktima stranke,
- da se zalaže za ostvarivanje ciljeva stranke,

- da izborom u institucije političkog sistema dosljedno zastupa programska i politička opredjeljenja stranke,
- da plaća članarinu,
- da provodi odluke organa stranke,
- da čuva i unaprijeđuje ugled stranke.

Član 16.

Posebним pravilnikom reguliše se odgovornost članova stranke. Pravilnik iz stava 1. ovog člana donosi Gradski odbor stranke.

Član 17.

Članstvo u stranci prestaje:

- istupanjem iz stranke po ličnom zahtjevu člana,
- isključenjem iz stranke na osnovu Pravilnika iz člana 16. Statuta,
- smrću
- učlanjenjem u drugu stranku

Član 18.

Odluku o isključenju iz članstva donosi Gradski odbor stranke. Protiv ove odluke može se podnijeti žalba u roku od 15 dana. O žalbi na odluku o isključenju iz članstva odlučuje Predsjedništvo stranke.

ORGANIZACIJA STRANKE, ORGANI I RADNA TIJELA STRANKE

Član 19.

Organi stranke su:

- Predsjednik
- Predsjedništvo
- Gradski odbor
- Skupština
- Nadzorni odbor
- Mjesni odbor

Predsjednik stranke

Član 20.

- Predstavlja i zastupa stranku,
- saziva i predsjedava sjednicama Predsjedništva stranke,
- provodi političke aktivnosti u okviru Programa stranke
- pokreće rješavanje političkih pitanja i drugih pitanja od važnosti za stranku,
- koordinira rad svih organa stranke i brine se o sprovođenju odluka i zaključaka organa stranke,
- podnosi izvještaj o svom radu Skupštini i Gradskom odboru stranke
- obavlja i druge poslove koje mu povjere organi stranke

Član 21.

Predsjednika stranke bira Skupština stranke na mandat od četiri godine.

U slučaju spriječenosti predsjednika stranke, njegove poslove obavlja član Predsjedništva kojeg odredi sam Predsjednik, a ako je u tome spriječen onda ga određuje Predsjedništvo.

Predsjedništvo stranke

Član 22.

Predsjedništvo stranke je tijelo koje provodi politiku stranke i broji 5 članova. Jedan od pet članova Predsjedništva je po položaju i predsjednik Gradskog odbora. Ostali članovi biraju se na prijedlog Predsjednika, uz saglasnost Skupštine.

U radu Predsjedništva svi članovi učestvuju ravnopravno.

Članovi Predsjedništva zadužuju se za pojedine oblasti i odgovorni su za praćenje i predlaganje politike stranke u toj oblasti.

Član 23.

Zadaci Predsjedništva stranke su:

- raspravlja i odlučuje o najvažnijim pitanjima stranke,
- provodi odluke Gradskog odbora,
- predlaže Gradskom odboru predizbornu izbornu strategiju stranke,
- odlučuje o djelovanju članova stranke u predstavničkim tijelima vlasti i djelovanju tih tijela,
- raspravlja o aktualnim političkim pitanjima i propisuje materijalno-finansijsko poslovanje,
- raspravlja i odlučuje o svim pitanjima koja nisu stavljena u krug djelovanja drugih tijela stranke.

Gradski odbor

Član 24.

Na području Grada djeluje gradska organizacija koju vodi Gradski odbor koji broji 15 članova.

Član 25.

Skupštin bira 11 članova Gradskog odbora iz reda više kandidata od broja koji se bira i pri izboru kandidata posebno će se voditi računa o zastupljenosti mladih i žena. 4 člana kooptiraju se naknadno, uz saglasnost Predsjedništva.

Član 26.

Predsjednika Gradskog odbora bira Gradski odbor po svom konstituisanju.

Predsjednik Gradskog odbora:

- saziva sjednice i vodi Gradski odbor,
- provodi političke aktivnosti utvrđene od strane Predsjedništva,
- podnosi izvještaj o radu Gradskog odbora Predsjedništvu stranke,
- obavlja I druge poslove koje mu povjeri Predsjedništvo stranke.

Član 27.

Zadaci Gradskog odbora su:

- izvršava odluke i sprovodi stavove organa stranke,
- priprema nacрте svih akata i odluka koje donose drugi organi stranke,
- obavlja političku djelatnost na osnovu Programa stranke,
- vodi brigu I raspolaže imovinom stranke, uz saglasnot Predsjedništva,
- prati i ostvaruje realizaciju finansijskog plana,
- razmatra društveno-političke prilike na svom području između dva zasjedanja Skupštine stranke,
- .utvrđuje smjernice za razvoj,
- vrši i druge poslove utvrđene ovim Statutom i opštim aktima stranke.

Član 28.

Gradski odbor imenuje kadrovsku komisiju, a može izabrati i druge komisije radi proučavanja pojedinih pitanja i pripremanja prijedloga njihovih rješenja. Komisije se organizuju iz sastava Gradskog odbora, a u njihov sastav mogu ući i pojedini članovi stranke.

Član 29.

Kadrovska komisija Gradskog odbora sastoji se od 3 člana. Zadatak Komisije je da se stara o kadrovima stranke i njihovom pravilnom usmjeravanju i rasporedu i prati sprovođenje kadrovske politike stranke.

Skupština stranke

Član 30.

Skupština stranke formira se na predstavničkom principu, tako da svaka Mjesna organizacija bude zastupljena najmanje sa po jednim delegatom. Odluku o broju delegata u Gradskoj Skupštini stranke donosi Gradski odbor stranke srazmjerno broju članova svake pojedine Mjesne organizacije.

Član 31.

Skupština stranke:

- usvaja Statut stranke,
- usvaja program rada i finansijski plan Gradske organizacije stranke,
- bira i razrješava organe stranke na nivou Grada,
- razmatra i usvaja izvještaj o radu Gradske organizacije stranke.

Nadzorni odbor

Član 32.

Nadzorni odbor broji 3 člana. Njegovi članovi ne mogu istovremeno biti i članovi nekog drugog tijela ili organa stranke. Članovi Nadzornog odbora između sebe biraju predsjednika. Odluke Nadzornog odbora su obavezni da sprovode organi Stranke na koje se odnose.

Član 33.

Nadzorni odbor:

- ocjenjuje zakonitost u radu organa i organizacije stranke i nadzire finansijsko i materijalno poslovanje stranke,
- ocjenjuje statutarnost pojedinih akata,
- vrši i druge poslove nadzora kontrole po svojoj inicijativi, na traženje Gradskog odbora ili Predsjednika/Predsjedništva stranke.

Mjesni odbor

Član 34.

Mjesni odbor se po pravilu organizuje za područja jedne ili više mjesnih zajednica. Mjesni odbor se u pravilu organizuje za najmanje 5 članova. Mjesni odbor ima Predsjednika, a po potrebi može organizovati i birati druge organe unutar mjesnog odbora.

Odluku o osnivanju Mjesnog odbora donosi Gradski odbor.

Član 35.

Mjesna organizacija stranke:

- okuplja članstvo i stara se o provođenju politike stranke na svom području,
- prikuplja članarinu i vodi evidenciju članstva.

KLUBOVI

Član 36.

Poslanici, odnosno vijećnici izabrani sa liste stranke formiraju klub vijećnika. Predsjednika kluba biraju vijećnici, a na prijedlog Gradskog odbora stranke. U klubu vijećnici analiziraju sva pitanja koja su na dnevnom redu Gradskog vijeća radi zauzimanja zajedničkog stava, te se dogovaraju o svim aktivnostima koje će preduzimati.

STRUČNA SLUŽBA STRANKE

Član 37.

Za obavljanje administrativnih, operativnih i materijalno-tehničkih poslova obrazuje se Stručna služba stranke. Organizacija i rad Stručnih službi stranke regulisat će se posebnim Pravilnikom koji donosi Gradski odbor stranke.

IZBORI I RAD ORGANA STRANKE

Član 38.

Izbori za sve organe stranke provode se tajnim glasanjem između više kandidata.

Član 39.

Svi kandidati za organe i funkcije u stranci moraju da uživaju ugled u sredini u kojoj žive i rade i da su pokazali odanost programskim načelima stranke.

Utvrđivanje postojanja uslova iz stava 1. ovog člana za Mjesne organizacije vrši Gradski odbor, a za sve ostale funkcije kadrovska komisija Gradskog odbora stranke.

Član 40.

Svi članovi organa stranke, svi izabrani nosioci funkcija, u njoj odgovorni su za svoj rad i mogu biti opozvani. Opoziv se vrši po istom postupku kao i izbor.

Član 41.

Mandat izabranih organa traje četiri godine, i može se obnavljati.

Član 42.

Svi organi stranke mogu zasjedati i odlučivati kada je prisutna natpolovična većina njenih članova. Odluke se donose dvotrećinskom većinom prisutnih članova. Ukoliko je ovim Statutom ili drugim opštim aktom određeno drugačije, tada će se primjeniti drugačiji kvorum ili drugačija većina.

Član 43.

Organi stranke donijeće posebne poslovničke o svom radu, a koji moraju biti u skladu sa ovim Statutom.

Član 44.

Predsjednik stranke ima pravo obustaviti od izvršenja odluke Gradskih i Mjesnih organa, te odluke nosilaca funkcija u organima stranke koje su u suprotnosti sa Programom, Statutom i drugim opštim aktima i čija bi primjena nanijela štetu stranci.

U svim slučajevima iz stava 1. ovog člana Predsjednik je dužan da o tome odmah obavijesti Predsjedništvo stranke.

Konačnu odluku o slučajevima iz stava 1. ovog člana donosi Predsjedništvo u roku od mjesec dana.

Član 45.

Predsjedništvo stranke ima pravo razrješiti pojedine članove ili Gradski i Mjesni odbor u cjelini kada djeluju u suprotnosti sa Programom, Statutom i drugim odlukama organa stranke i time nanose štetu stranci. Kada razrješiti neki odbor u cjelini Predsjedništvo stranke će postaviti povjereništvo koje će voditi poslove do izbora novog odbora.

MATERIJALNO-FINANCIJSKO POSLOVANJE

Član 46.

Stranka ostvaruje prihode od:

- članarine,
- dobrovoljnih priloga,
- doprinosa iz budžeta za rad parlamentarnih grupa.
- I na druge zakonom dozvoljene načine.

Član 47.

Financijsko poslovanje stranke obavlja se putem blagajne i žiro računa. Prijem i izdavanje sredstva može se izvršiti samo na osnovu pismenih naloga, snadbjevenih potpunom dokumentacijom, tako da svaka promjena mora biti odmah evidentirana u knjigovodstvu.

Financijsko poslovanje reguliše se posebnim pravilnikom koje donosi Predsjedništvo stranke.

PRESTANAK RADA STRANKE

Član 48.

Stranka će prestati sa radom ako to odluči Skupština stranke.

Za odluku o prestanku rada stranke potrebna je dvotrećinska većina svih delegata. U slučaju da se Skupština stranke ne može sastati odluku o prestanku rada stranke može donijeti i Gradski odbor uz predhodnu saglasnost Predsjedništvo stranke.

Odluka se donosi dvotrećinskom većinom svih članova odbora.

Član 49.

Odlukom o prestanku rada istovremeno se rješava i o imovini stranke.

PRIJELAZNE I ZAVRŠNE ODREDBE

Član 50.

Sva pitanja koja nisu regulisana ovim Statutom biće regulisana opštim aktima tijela stranke, u skladu sa ovim Statutom.

Član 51.

Stupanjem na snagu ovog Statuta prestaje da važi Statut stranke donesen 24.01.2013. godine.

Član 52.

Ovaj Statut stupa na snagu danom usvajanja na Skupštini stranke.

Tuzla, 30.03.2017. godine.

Predsjednik stranke

M.P.

Alić Mensur